

مجموعه ابو الضحی

ماسوا شایده سندن دلی آملدیوره چاش
برتو حکمت و عرفان ایله تنویره آلس

هر ماه عربی ابتدا سیله اون بشتده نشر اولنور فنون مجموعه سیدر

جزء ۲۴ [فی ۱۵ ربیع الآخر سنه ۱۳۰۲] نسخہ سی ۳ فروش

ایسترایستز خلقه بگندیرمک ایچون دگلدر . یالکز جلالک دوچار
 اوله بیله جگی موأخذهلر حقنده خاطر مه گلان برقاچ موأخذهی بیان ایتمک
 ایستدم . گوره مدیگم ویا آگلایه مدیگم قصورلریچون ینه اصحاب مطالعه نک
 مروت خطا پوشانه لرینی استدعا یه مجبورم . نامق کمال

ختم

رئان راق روسونک نوال الویزندن

اون برنجی مکتوب

(زولیدن - سن برویه)

عجم! یوما فیوما سزه دها زیاده کسب ارتباط ایتمکده اولدیفی حس
 ایدیورم . بوندن بویله سزدن مفارقه مقتدر دکلم . اک اوفق برغیوبتکز
 بیله بنجه برحال تحملگداز اولدیفی جهته مقادیا سزگله مشغول اولق ایچون
 یا هرگون سزی گورمک ویاخود وقتی سزه یازمقله امرار ایتمک لازمدر .
 اشته بو وجهه عشق و محبت سزک عشق و محبتکزه افزایش بوله بور . زیرا
 مقاصدکزه دها گوزل وصول ایچون ابتدا گوستردیگکز برهول و خشیت
 جعلیه بدل شمدی بنی تنفیر ایتمک خوف صحیحله نه مرتبه سومکده اولدیفکز
 مجزومدر . سزده . قلبک تخیلات و تصورات متعجبه سی بحرانی اوزرینه اولان
 حکم و تأثیرینک فرق و تمیزینی پک اعلا بیلورم . وشمدیکی بولندیگکز تحلفده
 ابتداکی غلیانگزدن یوزکرده دها زیاده اشتیاق و محبت گوریورم . شوراسیده
 رعنا معلومدرکه بولندیگکز شوخال ، داعی قسوت اولقله برابر اذواق ولدانندن
 مبرا دگلدر . هربرسی کندی لهنده اوله رق داخل حساب اولوب هیچ
 برسی سودیگنک قلبنده محو وها اوله میه حق فداکارلقلرده بولنق برعاشق
 صادق ایچون برحال لطافتیرادر . حتی رقت قلیهم سزجه معلوم اولدیفندن

بنی اغفال و اضلال ضمنده مهارتلی برخدعه استعمال ایتمدگیزی کیم بیلور ؟ فقط خیر! حقسمزم. زیرا بگا قارشواستعمال حیل و دسایسه مقتدر دکلسگز. مع هذا ، عاقل اولسه ایدم عشق و محبتدن زیاده مرحمت و شفقتدن توقی ایدر ایدم . تعظیم و اطاعتگز بنی فوران مرونگزدن بیک قات دها زیاده دوچار احزان ایندیگنی حس ایدیورم. و قورقورمهکه اڭ ناموسکارانه برمسلی التزام ایتمکله اڭ خطرناکنی التزام ایتمش اولیه سگز . قبحک شدتلی حس ایندیگی و سزگینکده سزی الزام ایندییره جگی بر حقیقی گوکلک جوش و خروشی آراسنده سزه اعتراف لازم گلمشدر . شویله که: اقربا و متعلقاتمزک و حتی نرم بیله ثروت و سامانمز ضدینه اوله رق قدر و طالعمز الی الابد یکدیگره ربط اولمش و بوندن بویله سعادت و مصیبتیه برلکده سینه کشا بولمشزدر. تعبیر آخرله روحلرمز کافه نقاطنه وارنجیه قدر یکدیگره تماس ایلش و هر بر نقطه ده دخی عینی التصاق و ارتباط حس ایلشزدر .

حکمت طبعیه درسلیگز بنی نایجا تطبیق ایدیورسم فکرمی تصحیح ایدیگز. عزیزم! قدر و طالع بری ریمزدن آیره بیلور ایسه ده قلباً اتحادمزی اخلال ایده مز . بوندن بویله آرتق عینی محفوظات و عینی مشافه مالک بولسه جعز . و روايته نظراً محال مختلفه ده عینی حرکنده بولندقلربی وقیله بگا نقل و حکایه ایندیگز مقناطیسارگی دنیانک هرایکی اوجنده بیله حممز یکسان اوله جقدر . امدی کندیگز ایچون بر سعادت مجرده حاصل ایدرک بونیده ضرری بنده گره عائد اولمق اوزره دردست ایتمک امیدندن ، اگر بروقت بویله برامیده بولمش ایسه گز، تجرد ایدیگز ! بنم محو و ردائمه واصل سعادت حال و ناموسمز لقله دوکه جگم گوز یا شلرینه نظر تفخرله نکران اولمقی امید ایتمیگز . دوستم ! بگا اعتماد ایدیگز . بن قلبگزی سزدن پک ابی بیلورم . بوقدر رفیق و بوقدر صمیمی اولان برعشق و محبت اشواق و هوساته تأثیر حکم و نفوذ ایده بیلور . پریشانلغزی موجب اولمقسزین اکمال و اتمام ایتمکلیگز ایچون شمعی به قدر پک چوق غیرت ایندیگز . و کندیگز دوچار مصیبت ایتمکسرین ؛ یعنی ترید ایده مز سگز .

طالع مشترک آنکس و تقدیرنی بگا ترک ایتمک کز هر ایکس ایچون
 دخی نه قدر اهم اولدینی حس ایده یلمکزی آرزو ایدر ایدم . بگا بنسدن
 دها زیاده قیتمدار اولدیغکرده شه می ایدیورسکر ؟ و بزم ایچون سزک اشتراک
 ایتمدیگکر بر سعادت حال وجود نیی تفکر ایدیوسکر ؟ خیر عزیزم ! بواشده
 سزک قدر منفعت و بومنفعت حسن نتیجه ایصالچون دخی سزدن بزاز دها
 زیاده حقم واردر . اعتراف ایدرم که ایکمزدن اڭ کنجی بن ایسم . فقط
 عموماً عقل و حکمت قادینلرده ارککلردن دها ضعیف اولدینی ، آنلر کیکلردن
 دها اول محو و زائل دخی اولمقده ایسه ده برنخیف آی چچکی بر میشه
 آغاجندن اول نشو و نما بوله رق محو و هبا اولدینی گبی قادینلرده دخی عقل
 و حکمتک پک چابک تشکل ایتدیکنه هیچ دقت ایتمدیگرمی ؟ اڭ کوچک
 یاشمزدنبرو بزلر اویله برامانت مهلکه ایله تحمیل اولنورزکه آتی محافظه و وقایه
 دقت و غیرتی بزده آزوقت ظرفنده فکر محاکمینی ایفاظ ایدر . و نتایج اشیانک
 بزى القا ایلکده اولدینی مهالک و مخاطراتی شدتله حس ایتمکدن ایسه
 بولری لایقیله مشاهده اتمک برواسطه نفیسه در . بنجه ، حاملزله نه قدر مشغول
 اولور ایسم اولقدر اڭلا یورم که عقل و حکمتک طلب ایلدیگی ، بزم عشق
 و محبت نامنه طلب ایلدیگمدر .

ایمدی بونک صورت لطیفی تعقیب ایدیگزر . و ایواکه کنیدیگزر گبی
 عمای عشق ایچنده بولمق بدبختلغنده بولنان و فقط هیچ اولمزسه یدنده
 برعصای استادی موجود اولان برعلیلی کنیدیگزر رهبر اتخاذا ایدیگزر ، بلم ،
 عزیزم ، قلبرمز توافق و تطابق سعادتنه مظهر اوله رق مکتوبمی اوقورایکن
 بونی بگا املا ایدن برهجان لطیفه اشتراک ایده جکمیسکر ؟ بلم که صورت
 حسیه مزده اولدینی گبی صورت مشاهده مزده هیچ بروقت توافق و تطابق
 ایده جکمیدر ؟ لکن شوراسنی پک اعلا بیلورم که فضل و ترجیح ایدیه جک
 رای ، سعادت حالک دیگرینک سعادت حالتدن اڭ آز تفریق ایدنک راییدر .